



YAYASAN KEBAJIKAN NEGARA

SIARAN MEDIA

SABAH TERIMA SUMBANGAN KORPORAT RM622 RIBU

KOTA KINABALU, 21 MAC – Menyedari kepentingan konsep perkongsian nilai korporat atau *Corporate Shared Value* (CSV), Kementerian Pembangunan Wanita, Keluarga dan Masyarakat (KPWKM) melalui Yayasan Kebajikan Negara (YKN) pada hari ini, telah menerima sumbangan berjumlah RM20,000.00 daripada Alliance Islamic Bank dan sumbangan korporat daripada MyNIC Berhad.

Sumbangan telah disampaikan oleh Encik Jeffrey Law, Ketua Wilayah Sabah Alliance Islamic Bank kepada YB Datuk Seri Rina Mohd Harun, Menteri Pembangunan Wanita, Keluarga dan Masyarakat merangkap Pengerusi Lembaga Pemegang Amanah, Yayasan Kebajikan Negara (YKN) sempena Program Kasih Prihatin YKN di Sabah International Convention Centre, Kota Kinabalu, Sabah

Sumbangan korporat Alliance Islamic Bank merupakan zakat daripada syarikat termasuk zakat yang telah disumbangkan oleh kakitangan bank tersebut, manakala lima unit *tablet* adalah hasil sumbangan MyNIC Berhad. Kesemua sumbangan ini diserahkan kepada anak yatim dan asnaf di Sabah bagi membantu penyediaan keperluan barangan persekolahan mereka.

Menurut Datuk Seri Rina, “pada keseluruhannya YKN telah menerima sebanyak RM622,000.00 sumbangan korporat bagi negeri Sabah. Sumbangan tersebut telah disalurkan melalui program Kembara Prihatin Negara (KPN) yang telah mengagihkan sejumlah 10,000 kotak makanan ke Sabah yang memberi manfaat kepada 40,000 orang penerima”.

Hadir sama YB Dato' Hajah Azizah Datuk Seri Panglima Haji Mohd Dun, Pengerusi MARA, YBhg. Dr. Maziah Che Yusoff, Ketua Setiausaha KPWKM, YBrs. Dr. Hishamuddin Mohd Hashim, Timbalan Ketua Setiausaha Strategik KPWKM merangkap Ahli Lembaga Pemegang Amanah YKN, Puan Fatimah Zuraidah Salleh, Timbalan Ketua Pengarah Operasi, Jabatan Kebajikan Masyarakat merangkap Ahli Lembaga Pemegang Amanah YKN, YBhg. Datin Ema Syuhaili Mohamad Sukor, Ahli Lembaga Pemegang Amanah YKN, Puan Nordina Haron, Ketua Pegawai Eksekutif YKN dan Pengurusan Tertinggi KPWKM.

YKN sebagai yayasan yang menerima sumbangan daripada pelbagai pihak sentiasa membuka ruang dan mengalu-alukan sama ada syarikat korporat, pertubuhan bukan kerajaan (NGO) atau orang perseorangan untuk bekerjasama dengan YKN dalam membantu golongan yang memerlukan. **Setiap sumbangan wang tunai akan diberikan resit pengecualian cukai di bawah Subseksyen 44 (6) Akta Cukai Pendapatan 1967.** Sumbangan boleh disalurkan melalui akaun bank seperti berikut:

Yayasan Kebajikan Negara Malaysia		
Nama Akaun		
Bank	Alliance Islamic Bank Berhad	Maybank Islamic Bank Berhad
Nombor Akaun	160140010004801	568621012284

Disediakan oleh:
Bahagian Dana dan Komunikasi Korporat
Yayasan Kebajikan Negara
Aras 8, No. 55, Persiaran Perdana,
Presint 4, 62100 Putrajaya.
03-8323 2437/2420